

Namzningz Si Gaiq Daeuz Biucinj Vahcuengh Doegsaw Doxdax Banh Sat

南宁市首届标准壮语诵读比赛成功举办

□ bonjbauq gicej Moz Beibei / 莫蓓蓓

12 nyied 25 hauh, Namzningz Si Minzcunghveij、Namzningz Si Gyauyuzgiz、Namzningz Si Vwnzmingzban、Namzningz Si Minzyijveij、Namzningz Sinhvwnzvjangj、Guengjsae Minzcuz Yijvwnz Yozvei itheij youq Namzningz gawjbanh Namzningz Si gaiq daeuz biucinj Vahcuengh doegsaw doxdax.

Baez doxdax neix miz 13 aen daibyauidui、210 lai boux senjsouj camgya. Doxdax faen baenz cuj vunzdog (cuj cungh siujyoz)、cuj vunzdog (cuj vunzhang)、cujcizdij (cuj cungh siujyoz) caeuq cujciengj (cuj vunzhang) gungh 4 aen cuj. Gyoengq senjsouj yungh biucinj Vahcuengh gig miz gamjingz dwk doegsaw, yienh'ok gij gyaendei Vahcuengh, hawj gyoengq bouxyawj bekwngz dwddwd. Doeklaeng bingz ok gij it、ngeih、sam daengciengj 4 aen cuj caeuq ceiqndei cujciengj、youhsiu cujciengj.

Gyoengq hagseng daj Sanglinz Yienh Vangzcouh Siujyoz daeuj biujyenj ndaej daengz gyoengq bingzveij haenh mbouj dingz. Boux lauxsae cijdauj Vwnh Meijgenh naeuz, de gaengawj gij neiyungz 《Diswjgveih》 sij 《Doegging Angqvauvau》, hagseng youq doegsaw seiz hix rox gij dauhleix guh vunz caeuq guh saeh.

Guengjsae Swhfan Yozyen hagseng Banh Yenniz doeg 《Najriu Doxndei》 ndaej cuj vunzdog (cuj vunzhang) it daengciengj, de gig gikdoengh dwk naeuz: “Baezneix ndaej ciengj, hawj gou



▲ Bouxcujciz yungh Vahcuengh biucinj daeuj cujciengj cezmuz.



▲ Gyoengqvunz caemgya doxdax haenx caeuq bingzveij caez hab'ingj.

engqgya miz saenqsim bae guh gij hong Sawcuengh.”

Cungguek Minzcuz Yijvwnz Fanhyizgiz hoizsaemj Gvanh Swgingh guh diemjbingz naeuz: “Gij fueng' anq caeuq giva baez doxdax neix guh ndaej ciengzsaec dangqmaz, cezmuz hingz sik moq, neiyungz fungfouq, mizmbangj senjsouj daenj gij buhvaq siujsoq minzcuz hawj vunz gig mizyinx. Aen doxdax neix gawjbanh ndaej baenz, doidoengh hong Sawcuengh Vahcuengh hoengghwd fazcanj.”



▲ Gyoengq bingzveij nyinhcaen bingz faen.



▲ Haimuq yienhcieingz.



▲ Mwnzgiuz doxdax yienhcieingz.

Bahmaj Gawjbanh “Souyangh Beih” Vunzlaux Dijyuz Iucingj Doxdax

巴马举办“寿乡杯”老年体育邀请赛

12 nyied 16 hauh, youz Bahmaj Yauzcuz Swciyen Yinzminz Cwngfuj cawjbanh, Bahmaj Yauzcuz Swciyen Vwnzva Gvangden Sinhvwnz Cuzbanj Dijyuz Giz baubanh, Bahmaj Yauzcauz Swciyen Vunzlaux Dijyuz Hezvei bangbanh, 2016 nienz Bahmaj Yauzcuz Swciyen 60 hopbi “souyangh beih” vunzlaux mwnzgiuz、binghbanghgiuz iucingj doxdax youq Bahmaj yienhsingz gawjhengz. Daj Hozciz、Baksaek daengj dieg yienh si gih 19 aen doihdaiqbiuj 200 lai boux haengjgyaez mwnzgiuz、binghbanghgiuz

haenx camgya doxdax.

Ginggvaq sam ngoenz haenqrengz doxdax, doeklaeng mwnzgiuz youhswngciengj deng Vanzgyangh doihdaiqbiuj dued ndaej, Simwnzhez、Bahmaj doihdaihsam、Yizcouh Si、Dunghlanz Yen daengj ndaej youhsiuciengj. Binghbanghgiuz duedndaej daih' it mingz deng Duh' anh doihdaiqbiuj dued ndaej, Nanzdanh、Bahmaj、Denhngoiz faenbied ndaej daihngaih、daihsam mingz.

(Liengz Sauwnh/梁绍恩)

Denzlinz Yen Gawjbanh Cung Siuj Hagseng Mauzbit Sijsaw Yienhcieingz Doxdax

田林县举办首届中小學生现场毛笔书法比赛

Daj iq sij ndei saw Cungguek, daengzcog guh ndei vunz Cungguek. 12 nyied 25 hauh, Denzlinz Yen gawjbanh gaiq daih' it “Cunghyenzbeih” cung siuj hagseng mauzbit sijsaw yienhcieingz doxdax hozdung. Daengx yienh gyoengq cung siuj hagseng mauzbit sijsaw ndei haenx comz youq itheij yienhcieingz doxdax, lij iucingj Baksaek Si sam boux gaep guekgya suhfazgyah daeuj yienhcieingz bingz le caiq fat ciengj, hawj gyoengq cung siuj hagseng fat gij laex daegbied bi moq he.

(Luz Anhbingz/卢安平)



▲ Gyoengq hagseng nyinhcaen sijsaw doxdax.